

**ლანჩხუთის მუნიციპალიტეტის საკრებულოს ეკონომიკის, ქონების
მართვისა და ბუნებრივი რესურსების საკითხთა კომისიის
სხდომის ოქმი №10**

ქ. ლანჩხუთი

**21.11. 2025 წელი
12.00 საათი**

სხდომას ესწრებოდა: ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის თავმჯდომარე ზაზა წულაძე.

კომისიის წევრები: გიორგი იმნაიშვილი, მაია ლომთაძე, კარლო კვიტაიშვილი, ვლადიმერ ნანაძე, თორნიკე მითაიშვილი, ირაკლი ცინცაძე, ჯუმბერ ბლაგიძე.

მოწვეული: ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი როლანდ ლაშხია, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში ლაშა სარჯველაძე, საკრებულოს აპარატის მეოთხე რანგის პირველი კატეგორიის უმცროსი სპეციალისტი თამარ ფირცხალაიშვილი.

კომისიის სხდომას არ ესწრებოდა დეპუტატები: სამსონ კვაჭაძე, გოგი მორჩილაძე.

კომისიის თავმჯდომარემ, ზაზა წულაძემ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2026 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი: ზაზა წულაძე/
როლანდ ლაშხია

2. სხვადასხვა.

კომისიის თავმჯდომარემ, ზაზა წულაძემ კენჭი უყარა დღის წესრიგის პროექტს:
მომხრე 8, წინააღმდეგი არცერთი.

დღის წესრიგის პირველი საკითხი: „ლანჩხუთის მუნიციპალიტეტის 2026 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე ლანჩხუთის მუნიციპალიტეტის საკრებულოს განკარგულების პროექტი სხდომას გააცნო ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსმა როლანდ ლაშხიამ. მან აღნიშნა, რომ საქართველოს კანონმდებლობის თანახმად მუნიციპალიტეტის ბიუჯეტი წარმოადგენს მუნიციპალიტეტის საკრებულოს მიერ დამტკიცებულ, მუნიციპალიტეტის ფუნქციებისა და ვალდებულებების შესრულების მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობას. ლანჩხუთის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე. საქართველოს ცენტრალური ხელისუფლების მიერ 2026-2029 წლების ძირითადი ეკონომიკური და ფინანსური ინდიკატორების საბაზო მაჩვენებლების შესაბამისად (2026 წლის სახელმწიფო ბიუჯეტის შესახებ კანონპროექტის თანდართული მასალები). მუნიციპალიტეტის 2026

წლის ბიუჯეტის დამტკიცების შესახებ დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 155¹ მუხლის 2-ე პუნქტის მოთხოვნებს.

2026 წლის პროგნოზით მუნიციპალიტეტის ბიუჯეტის შემოსავლები ნომინალურ გამოხატულებაში 22056, 0 ათას ლარს შეადგენს.

2026 წელს საგადასახადო შემოსავლების პროგნოზი გადასახადების სახეების მიხედვით შემდეგია:

-**დამატებული ღირებულების** გადასახადის საპროგნოზო მაჩვენებელი განისაზღვრა 16058,0 ათასი ლარით;

2026 წლის გეგმიურ მაჩვენებელთან შედარებით დღგ გაზრდილია 7,0 %-ით (1057,7 ათასი ლარით). აღნიშნული მოცულობით ზრდა გამოწვეულია მიმდინარე წელს, დაგეგმილზე მაღალი ეკონომიკური ზრდის შედეგად მოსალოდნელი გადაჭარბების და მომდევნო წელს ეკონომიკის ნომინალური ზრდის ფისკალური ეფექტებით;

- **ქონების** გადასახადის საპროგნოზო მაჩვენებელი შეადგენს 2200,0 ათას ლარს;

2026 წლის დამტკიცებულ გეგმასთან შედარებით ქონების გადასახადი 600 ათასი ლარით არის გაზრდილი, რაც გამოწვეულია საწარმოთა ქონების გადასახადის გაზრდით.

-**გრანტების** სახით დაგეგმილი მაჩვენებლები განისაზღვრება 486 ათასი ლარით, მათ შორის:

2025 წლის გეგმიურ მაჩვენებელთან შედარებით გრანტები 25,9% გაიზარდა.
მიზნობრივი გრანტი 486,0 ათ ლარი

2026 წელს არასაგადასახადო შემოსავლების პროგნოზი გადასახადების სახეების მიხედვით შემდეგია:

-**შემოსავლები საკუთრებიდან** განსაზღვრულია 540,0 ათასი ლარის ოდენობით, მათ შორის:

-რენტა 490,0 ათასი ლარი;
-პროცენტები 50 ათასი ლარი

2025 წლის გეგმიური მაჩვენებელი 100 ათასი ლარით შემცირებულია, რაც გამოწვეულია პროცენტების შემოსავლების შემცირებით.

შემოსავლები საქონელისა და მომსახურების რეალიზაციიდან განსაზღვრულია 72,0 ათასი ლარის ოდენობით, მათ შორის:

- სანებართვო მოსაკრებლები 20,0 ათასი ლარი;
- მოსაკრებელი დასახლებული ტერიტორიის დასუფთავებისათვის 12,0 ათასი ლარი;
- არასაბაზრო წესით გაყიდული საქონელი და მომსახურება 40,0 ათასი ლარი;
აღნიშნული შემოსავლები 2025 წლის საპროგნოზო მაჩვენებლებთან არის შესაბამისობაში.

-**შემოსავლები სანქციები, ჯარიმები და საურავებიდან** განსაზღვრულია 2500,0 ათასი ლარის ოდენობით, მათ შორის:

2025 წლის გეგმიურ მაჩვენებელთან შედარებით გაზრდილია მოსალოდნელი შესრულების გათვალისწინებით.

-ტრანსფერები, რომელიც სხვაგან არ არის კლასიფიცირებული (შემოსავალი ხელშეკრულების პირობების დარღვევის გამო დაკისრებული პირგასამტეხლოდან) 100,0 ათასი ლარი.

-არაფინანსური აქტივების კლების (პრივატიზაცია) სახით მისაღები თანხების გეგმა შეადგენს 100,0 ათასი ლარს;

ამავდროულად ბიუჯეტი ითვალისწინებს ვალის დაფარვას 29,1 ათ.ლარის ოდენობით.

მუნიციპალიტეტის ბიუჯეტის გადასახდელები

მუნიციპალიტეტის ბიუჯეტის გადასახდელების მოცულობა შეადგენს 27541 ათას ლარს (2025 წლის დამტკიცებულ გეგმასთან შედარებით იზრდება 000000 ათასი ლარით).

აღნიშნული ზრდა გამოწვეულია მომსახურების ხარჯების ზრდით.

პრიორიტეტების მიხედვით გათვალისწინებულია:

- ინფრასტრუქტურის განვითარება - 5770,3 ათასი ლარი; მათ შორის:

- საგზაო ინფრასტრუქტურის განვითარება - 715,0 ათასი ლარი;

- წყლის სისტემების განვითარება - 572,0 ათასი ლარი;

- გარე განათება - 850,0 ათასი ლარი;

- კეთილმოწყობის ღონისძიებები - 1312,0 ათასი ლარი;

- საპროექტო-სახარჯთაღრიცხვო დოკუმენტაციისა და სამშენებლო სამუშაოების ტექნიკური ზედამხედველობისა და ექსპერტიზის ხარჯები განსაზღვრულია 750,0 ათასი ლარი;

პროგრამის ფარგლებში განხორციელდება მუნიციპალიტეტის მიერ განსახორციელებელი ინფრასტრუქტურული სამუშაოებისთვის საჭირო საპროექტო დოკუმენტაციის შესყიდვის ხარჯებისა და ექსპერტიზის ხარჯების ანაზღაურება. ასევე, მოხდება სამშენებლო სამუშაოების ტექნიკური ზედამხედველობისათვის საჭირო ხარჯების ანაზღაურება.

- სოფლის პროგრამის მხარდაჭერა 300 ათასი ლარი

- ოჯახების სოციალურ - ეკონომიკური გაძლიერების მხარდაჭერის პროგრამა - 100,0 ათ. ლარი

- დასუფთავება და გარემოს დაცვა განისაზღვრა - 3275, 0 ათასი ლარი, მათ შორის:

- დასუფთავება და ნარჩენების გატანა - 2880, 0 ათასი ლარი

პროგრამის ფარგლებში განხორციელდება მუნიციპალიტეტის დაგვა-დასუფთავება და ნარჩენების გატანა.

- მწვანე ნარგავების მოვლა-პატრონობა, განვითარება - 375, 0 ათასი ლარი

მოსახლეობისთვის ჯანსაღი და კომფორტული გარემოს შესაქმნელად აუცილებელია მუნიციპალიტეტის გამწვანება და ეკოსისტემის გაუმჯობესება. პროგრამის ფარგლებში მოხდება ქალაქ ლანჩხუთში მწვანე ნარგავების მოვლა-პატრონობა, მუნიციპალიტეტის ტერიტორიაზე არსებული სკვერების მოვლა-პატრონობა.

- უპატრონო ცხოველების მოვლითი ღონისძიებები - 20,0 ათასი ლარი;

პროგრამის ფარგლებში განხორციელდება მაწანწალა ცხოველების დაცვითი ღონისძიებები.

- განათლება - 5560,0 ათასი ლარი, მათ შორის:

- სკოლამდელი განათლება - 5500, 0 ათასი ლარი;

- განათლების ხელშეწყობა - 60, 0 ათასი ლარი

- კულტურა, ახალგაზრდობა და სპორტი - 5525,3 ათასი ლარი მათ შორის:

- სპორტის განვითარების ხელშეწყობა - 2690,0 ათასი ლარი;

პროგრამის ფარგლებში დაგეგმილია სპორტული სკოლების ფუნქციონირების ხელშეწყობა ჯანსაღი მომავალი თაობის აღზრდის მიზნით. ასევე, სპორტის სხვადასხვა სახეობაში გაიმართება ტურნირები მოყვარულ და პროფესიონალ სპორტსმენებს შორის, მოხდება სპორტული სკოლების უზრუნველყოფა საჭირო ინვენტარით. პროგრამა ითვალისწინებს ლანჩხუთის მუნიციპალიტეტში მცხოვრებ წარმატებულ სპორტსმენთა და მწვრთნელთა დაჯილდოების ხარჯებსაც.

- კულტურის განვითარების ხელშეწყობა - 2800,3 ათასი ლარი;

პროგრამის ფარგლებში მუნიციპალიტეტი განახორციელებს სახელოვნებო სკოლების, ბიბლიოთეკების, მოსწავლე-ახალგაზრდობის ცენტრის, მუზეუმისა და კულტურის ცენტრის დაფინანსებას, უზრუნველყოფს მათი ფუნქციონირებისთვის საჭირო მატერიალური და ფინანსური ბაზის შექმნას. მუნიციპალიტეტის კულტურული ტრადიციების დაცვის მიზნით პროგრამის ფარგლებში გაგრძელდება სხვადასხვა კულტურული და დასვენების ობიექტის ფინანსური მხარდაჭერა, განხორციელდება სხვადასხვა კულტურული ღონისძიება, მათ შორის სადღესასწაულო დღეებში სხვადასხვა გასართობი და სანახაობრივი ღონისძიება და სხვა.

- ახალგაზრდობის მხარდაჭერა -35,0 ათასი ლარი;

პროგრამის ფარგლებში დაგეგმილია ახალგაზრდობის ინიციატივებით წარმოდგენილი სხვადასხვა პროექტების განხორციელება და სხვა.

- ჯანმრთელობის დაცვა და სოციალური უზრუნველყოფა - 1855,0 ათასი ლარი, მათ შორის:

საზოგადოებრივი ჯანმრთელობისა და უსაფრთხო გარემოს უზრუნველყოფა 310,0 ათ ლარი

-სოციალური პროგრამები-1545,0 ათასი ლარი.

მმართველობა - 6726,7ათასი ლარი, მათ შორის:

- საკრებულოს დაფინანსება - 1669 ათასი ლარი;

-მერია - 4648,6 ათასი ლარი;

- სარეზერვო ფონდი - 70,0 ათასი ლარი;

-სსიპ მუნიციპალური განვითარების ფონდისთვის დასაფარავი თანხა და ვალის მომსახურება 34,1 ათასი ლარი, მათ შორის - ძირი 29,1 ათასი ლარი და პროცენტი -5 ათასი ლარი.

-წინა პერიოდში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა 5, 0 ათ ლარი

-ტურიზმის განვითარების ხელშეწყობა-300,0 ათასი ლარი

სახელმწიფო ბიუჯეტის ფონდებიდან დაფინანსება განსაზღვრულია 486, ათასი ლარით

-საერთო დანიშნულების სახელმწიფო მომსახურება - 6697,6 ათასი ლარი;

- ეკონომიკური საქმიანობა - 1365 ათასი ლარი;

- გარემოს დაცვა - 3255 ათასი ლარი;

-საბინაო-კომუნალური მეურნეობა - 3254 ათასი ლარი;

- დასვენება, კულტურა და რელიგია- 5525,3 ათასი ლარი;

- განათლება -5560 ათასი ლარი;

- სოციალური დაცვა -1545 ათასი ლარი

დეპუტატმა ჯუმბერ ბლაგიძემ აღნიშნა, რომ ხობის მუნიციპალიტეტი ყულევის ტერმინალიდან იღებს როგორც მიწის, ასევე ქონების გადასახადს. სუფსის ტერმინალი კი, რომელიც დღეის მდგომარეობით აზერბაიჯანული კომპანიის მფლობელობაშია გათავისუფლებულია გადასახადებისაგან. მას მართებულად მიაჩნია, რომ ადგილობრივმა ხელისუფლებამ უნდა მოახდინოს აღნიშნული საკითხის შესაბამის სტრუქტურაში დაყენება, ვინაიდან საკითხის დადებითად გადაწყვეტის შემთხვევაში გაიზრდება მუნიციპალიტეტის შემოსავლები.

დეპუტატმა ჯუმბერ ბლაგიძემ ასევე აღნიშნა საჯარო სექტორში ხელფასების 10%-იანი ზრდის საკითხზე. თვლის, რომ ეს მატება მიზერულია და თანამშრომელთა ფუნქციური დატვირთვიდან გამომდინარე ხელფასების ზრდის მექანიზმი არის დასახვეწი.

კომისიამ მიიღო გადაწყვეტილება:

„ლანჩხუთის მუნიციპალიტეტის 2026 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების

თაობაზე“ ლანჩხუთის მუნიციპალიტეტის საკრებულოს განკარგულების პროექტს კომისიამ მხარი დაუჭირა.

მომხრე 8, წინააღმდეგი არცერთი


სხვადასხვა.

დეპუტატმა მაია ლომთაძემ აღნიშნა, რომ სასურველია მუნიციპალიტეტში შეიქმნას მუშა ჯგუფი, რომელიც თითოეულ თემსა თუ სოფელში მუნიციპალიტეტის მერის წარმომადგენელთან ერთად ადგილზე შეისწავლის ადმინისტრაციულ ერთეულებში არსებულ პრობლემურ საკითხებს, გამოწვევებს და საჭიროებებს.

დეპუტატმა ჯუმბერ ბლაგიძემ აღნიშნა, რომ გასულ წელს სუფსის ადმინისტრაციულ ერთეულში მომხდარი წყალდიდობისას ადგილობრივი მოსახლეობა დაიტბორა, მათ გაუნადგურდათ საოჯახო ინვენტარი და დაეხმოთ პირუტყვი. დეპუტატი დაინტერესდა მიეცა თუ არა დაზარალებულ მოსახლეობას კომპენსაცია. მას მიაჩნია, რომ პრობლემის ნაწილობრივ თავიდან აცილებისა და მოგვარების კუთხით აუცილებელია ადმინისტრაციულ ერთეულში გაკეთდეს სანიაღვრე არხები და ნაპირსამაგრი გაბიონები. იგი დაინტერესდა 2026 წლის ბიუჯეტის პროექტში გათვალისწინებული იყო თუ არა სტიქიურ მოვლენებზე პრევენციული ღონისძიებების გატარება.

დეპუტატებმა ჯუმბერ ბლაგიძემ და თორნიკე მითაიშვილმა აღნიშნეს, რომ სუფსის ადმინისტრაციულ ერთეულში მცხოვრები მარინა გოგუაძე არის უმძიმესი ავადმყოფი, რომელსაც გადაადგილება არ შეუძლია, იგი არის მწოლიარე და აქვს გაუსაძლისი ტკივილები. მას მეთვალყურეობს უახლოესი მეზობლები. ავადმყოფს ყავს ასევე შ.შ.მ შვილი. მას ტკივილის შემსუბუქებისთვის ესაჭიროება ძლიერი გამაყუჩებელი (მორფი).

ამით კომისიის სხდომამ მუშაობა დაასრულა.

ლანჩხუთის მუნიციპალიტეტის საკრებულოს ეკონომიკის,
ქონების მართვისა და ბუნებრივი რესურსების საკითხთა
კომისიის თავმჯდომარე:  **ზაზა წულაძე**

ლანჩხუთის მუნიციპალიტეტის საკრებულოს ეკონომიკის,
ქონების მართვისა და ბუნებრივი რესურსების საკითხთა კომისიის
სხდომის დასკვნა №10

21.11.2025 წელი

12:00 საათი

მოგახსენებთ, რომ მიმდინარე წლის 21 ნოემბერს მოწვეულ იქნა ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის სხდომა.

სხდომამ განიხილა დღის წესრიგით გათვალისწინებული შემდეგი საკითხი:

1. „ლანჩხუთის მუნიციპალიტეტის 2026 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტის განხილვა.


/მომხსენებელი: ზაზა წულაძე/

როლანდ ლაშხია

დღის წესრიგის პირველი საკითხი „ლანჩხუთის მუნიციპალიტეტის 2026 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების თაობაზე“ ლანჩხუთის მუნიციპალიტეტის საკრებულოს განკარგულების პროექტი კომისიის წევრების მიერ მიღებული იქნა შენიშვნების შესახებ.

მომხრე 8, წინააღმდეგი არცერთი

ლანჩხუთის მუნიციპალიტეტის საკრებულოს
ეკონომიკის, ქონების მართვისა და ბუნებრივი
რესურსების საკითხთა კომისიის თავმჯდომარე:


ზაზა წულაძე

ლანჩხუთის მუნიციპალიტეტის საკრებულოს ეკონომიკის, ქონების მართვისა და
ბუნებრივი რესურსების საკითხთა კომისიის წევრთა დასწრების სარეგისტრაციო
ფურცელი

21.11. 2025 წელი
12:00 საათი

	სახელი, გვარი		ხელმოწერა
1	ზაზა წულაძე	1155	გ. წულაძე
2	ირაკლი ცინცაძე	1157	ირაკლი ცინცაძე
3	გიორგი იმნაიშვილი	1155	გიორგი იმნაიშვილი
4	ვლადიმერ ნანაძე	1155	ვლადიმერ ნანაძე
5	მაია ლომთაძე	1158	მ. ლომთაძე
6	სამსონ კვაჭაძე	მ. დიხიშვილი	გ. წულაძე
7	გოგი მორჩილაძე	მ. დიხიშვილი	გ. წულაძე
8	კარლო კვიტაიშვილი	1155	კ. კვიტაიშვილი
9	თორნიკე მითაიშვილი	1158	თ. მითაიშვილი
10	ჯუმბერ ბლაგიძე	1155	ჯუმბერ ბლაგიძე